



當塗

黃

左田

古今體詩六十一首

盡戊子一年

戊子孟陬四日得祚編修

雋藻

書述上年九月白澗行

宮 召見蒙

聖恩垂詢臣鉞在籍作何消遣精神好否汝等得渠信

否仰見我

皇上眷念舊臣不遺在遠感激恭紀

故人天上傳

天語感激

新恩憶

舊恩兩載久遠清禁直

九重猶奉玉音溫強將炳燭裨衰老思補亡羊教子孫但恨

此生無路報惟期祝

嘏詣脩門

臣鉞前年到籍謝摺奉

硃

詔卿其善體朕意隨時自重跪讀之不感激微幸莫可名狀

壹齋集卷三十一

人日食筍齋獨坐

山寺梅開纔半樹湖隄雪淨已無泥草堂不出忽人日誰寄新

詩續舊題

橄欖漿濃茶味俊水沈香重篆煙遲人閒難得真閒日萬慮都

空獨坐時

上元夜

填街鐙火舞魚龍酒罷歌闌鼓一中送客出門循竹影倚欄看

月入煙空

是夕月出旋翳

西園侍燕車應散午夜裁詩墨正融南書房

歲上元夜

召入西苑侍燕觀鐙

回首觚稜真一夢卅年孤奉

翠微宮

久不出游偶至湖上作

苦筍江豚饜老饒餘生真不負歸帆未能入谷爲愚叟何用題

居號隱巖風暝花枝爭姪妣泥融燕子又呢喃笑他秉燭猶行
樂況有山腰日半銜

駁生觀察招游白馬山看桃花

菜花黃欲流麥壠綠無浪春泥轟檣土下澤可耕山霧冥濛蘇
未暢草薰風暝趁人閒忍雨待游荷天相去年山石行犖确一
峯沙磧麤堪狀今年遠近烝紅霞數幅生綃退之障肩輿犯曉
赴嘉招酒榼茶鐺向花傍步入華林七百株坐我扶風絳紗帳
蕘童樵叟爭聚觀折損花枝看如恧爲誦君家紅萼篇憎少尊
前雪兒唱花光酒氣兩氤氳使衰翁顏再壯歸來夜枕聽淋
浪幸及芳時不惆悵

過崇仙院悼黃道士

卅載重經羽士家四松亭畔試新茶初平化去無人識惟有庭
壺齋集卷三十一 二

前芍藥花

泛槩集乾隆丁未戊申余客浙江學使幕中作也稿久失
檢做籠得之錄存八首

松棚

雷公鼓癡龍鞭落鱗片片樵風送堆檐熱雲不敢戀遠涵萬壑
濤廣蔭十客醺火繖易清涼炎官遠相扇坐使瓦無功陶旅一
時賤惜陰人競趨向隅愁不偏大庇夫何能小憩可忘倦明月
照當頭玲瓏露光泣

巖州試院與張在蘆諸君唱和丁字韻詩凡十六首錄
存二篇以誌當日文酒之盛

誰將詩壘闢重局上將南湖戰百經避舍衆方思棄甲控弦君
又迫迫丁鈔需十手煩書史唱待雙鬢畫酒亭我亦孤懷消不

得引杯一試劍光青

紫翠丹房海上扁東方空著十洲經豈無靈鳥能知戍儘有頑
仙不識丁富貴邯鄲三尺枕詩書逆旅一閒亭子文自是封侯
相誰信生前骨色青

風雨登煙雨樓悼俞上舍

汝磨

菱角雞頭租未收新黃老綠釀深秋我來不見俞清老煙雨淒
迷獨上樓

賭酒寒廳醉不辭懷鄉每說此閒宜百年修短元如夢卻恨登
臨我到遲

東甌送游進士

光續歸霞浦

家食厭獨居羈孤眷羣聚矧茲春徂冬雞鳴共風雨之子八閩
才早歲甲科取溫其美如玉卓爾圭璋古英英雲欲流肅肅鴈
分羽揮手去甌江言送歸霞浦

壹齋集卷三十一

三

霞浦望不極我思悠且長崢嶸歲云暮何不歸故鄉窮魚戀淺
澗飢鳥倦仍翔緬懷到家樂上壽歡高堂山川富游覽佐醉言
能詳春風曖庭戶草木爲芬芳

芬芳草木花憶子初見時西湖水鄰鄰旨酒多不辭俯仰條陳
迹那禁去後思雲山雖迢遙不隔心相知臨歧昧贈軒欲語慚
無辭毋煩累千里所樂在一枝

游意不
欲請選

以詩代疏募修于湖先生祠

有宋張于湖此地昔流寓築室歸去來不審今何處荒祠屋半
閒惟便乞兒住木主我所書略無香一炷東鄰叫顏彪西舍澆
陸羽逼迫糞穢閒神兮得無怒湖山公所開乃得此佳趣家家
飾亭臺處處植花樹奈何昧自來棄置公不顧可憐紫府仙不

若田頭塿豚蹏報雖微猶得走翁媪誰歟私錢我爲作詩疏

題獨笑軒詩冊後

邵子謙示我殘書一冊曰獨笑軒集不知何人所作中有與查二瞻湯巖夫梅耦長諸人唱酬之什蓋康熙年間諸生也又有招同諸子集閔園詩及讀書軒記云左子維北名孝廉也築別墅於鏡湖名讀書軒適巖夫至請爲篆額今湖上休甯陳氏廢園人呼爲左園蓋卽維北所築讀書軒額三十年前尙懸其中屋久傾圮湖水齧園址已過半矣閔園在湖西北余戴舅氏買此園時尙稱閔園後歸蕪湖陳氏今樓臺池館埽地已盡外有菴羅園詠白蓮竹棲庵看梅鉏園賞桂諸詩翫其辭意似皆在湖上今並不知其處憶馬千之所居一角山房尙爲張氏桂園余兒時見老桂數十本中一亭扁曰秋芳千之居時尙在今爲茶肆未知存否豈鉏園卽桂園名因花掩耶恐更闕歲時游者不知緣起證以茲編作八絕句紀之

壹齋集卷三十一 四

臥柳折腰仍出水木瓜髻頂尙開花人來徑到虛堂坐鄰有村

醪不用賒園東爲移封館酒肆卽今非園六十年前讀書軒已爲游人燕集之地唯一老媪司其門戶耳

增下殘高走百工蜃樓變滅旋隨風最憐樹幄花裊地都在鷗

眠鷺宿中乾隆年間曾大加修葺陳氏族人

非關名恐同驚坐不道人猶記太沖可惜蕭齋無李約卻令玉

筴失斯翁兩園先後皆歸陳氏雖非一家似稱陳園爲當獨讀畫軒至今猶呼左園巖夫最精篆籀此扁惜不知所

在

竹樹環溪當繚牆樓臺高出水中央于今零落行人嘆不必羊

曇也自傷

斷橋無板假山頽六十年前我再來尙有牡丹移未盡隔隄猶見幾枝開

主人不到動經年荒草叢中賸一軒不有殘編爲左證誰知此

是閔家園園中凡戴陳所建樓臺今盡傾圮惟中存閔氏一軒耳

庵羅蓮與竹棲梅更賞鉏園老桂開自是園名被花掩秋芳曾

署小亭來

先生亦是可憐人五十儒冠尙誤身游蹟分明名姓滅欲澆酒

問主林神集中有五十自壽八十韻詩述其潦倒場屋蓋老於諸生者

駁生觀察移祀于湖先生於赭山之滴翠軒

公昔借馬游赭山對雪分韻凌孱顏一覽亭高最空曠扁舟遙

認滄江灣于湖集有赭山分韻得成葉五言二首又一覽亭詩沙尾是我船煙波更空曠茲山與公素

壺齋集卷三十一 五

相委置公此坐公應喜參差竹樹似當年咫尺江山來萬里謝

公詞翰今元暉倜儻何減張紫微登山移主薦脯酒頓令巖壑

生光輝炷香再拜長太息和戰紛紛謀孔亟公言自治還應人

誰是同心爲戮力史言公對孝宗張湯二相當同心戮力以副懷復之志且靖康以來和戰兩言遺無窮禍

覆當先自治以應人此豈兩持者况時宿將已無人淮南河北多聲氛長城先

自壞道濟細柳旋失真將軍謂公兩持爲公惜直是深文非史

筆卽令抗論與浚同難救符離師失律荒祠再徙山之陰明湖

百畝鑑公心早是軒前蒼檜死免教按劔扣霜鐔宋季處士胡

之好題其堂曰六檜益以隱戮也見篋墩文集滴翠軒在宋爲檜軒

黔西李大司馬世傑任安徽巡道時於蕪湖創立中江

書院並塑文昌像於赭山滴翠軒招肄業諸生祀之余

與其末此乾隆三十三年戊子四月事也越六十年道

光戊子五月既望載登斯軒追溯往蹟同祀諸君無一
存者獨余在耳慨然有作

高奉文昌座光芒遍斗躔拜從諸子後曾識使君賢勸學誰爲
繼叨榮我獨偏閱人成兩世那怪髮皤然

六月十三日駿生觀察招同子卿太守北寺納涼歸途
偶成

淒清蕭寺足優游梧竹深沈複殿幽古佛低眉容遁暑疾雷送
雨爲支秋井華宜茗從僧歛寺井水甚甘鈴語吟風勸客畱白石一

條歸路淨綠雲千頃晚香稠

苦熱

暑如債帥仍遭歲風比慳夫不解囊怕展魚箋臨毒熱欲揮塵
尾賦微涼王右軍有晚復毒熱帖陸魯望有微涼賦絕無瓜李娛清書強近詩書待

壺齋集卷三十一

六

夕陽輸與老農茅屋底桔槔聲裏踏歌長

喜雨次韻簡子卿並謝西瓜之饋

幾回盼雨上樓看喜見雲峯隱日九天外金蛇飛一綫檐前銀
竹轟千竿頗知慰望原非易便欲爲霖也不難睡味今宵應似
蜜鎮心況有碧瓜寒

余旣爲左園陳園溯其緣起紀之以詩因念沿湖以南
六十年前池館各有主名改易分合遂迷其蹤詢之居
人多不能舉其名爰卽向所親歷者各爲一詩以告來
者

茶亭通湖隄空洞本無物惟一老比丘嘗參壁間佛來佛亭因湖淨一

轅上有佛像嵌置茶亭而名時有老比丘尼洪姓住持其中

臨水僅一椽權輿胡居士中有善畫人我曾觀於是澹人居在來佛亭

東嶽胡蔚林所置揚州吳雲善畫曾寓其內

東偏屋稍寬開窗山對楮後來馬千之曾此開畫社亦名小西湖在澹人居東亦胡氏屋後馬千之雋居之易名鏡湖畫社

名爲陸羽軒實則長春園爲問主人誰石丈知不言長春園不知誰氏

園先爲酒肆後爲陸羽軒茶社有石筍高丈餘今尚在希右園

葉山小林屋洪氏之遺築當時芙蓉花猶照湖波綠洪園葉山鐸居

此號小林屋金西洞庭山人故有此號

茲園富池館繞以桂之樹荒寒付欽山山房我更平桂園本張氏

園數易其主疑卽鉅園故址馬千之自一房山移居於此余榜其齋曰一角山房用馬遠故事也

草堂屋三楹開門面蔬圃別去幾何時亭臺遽如許學圃草堂金葉山

兄弟讀書處今爲洞庭山人公寓拓爲數十楹矣

賢尹愛湖山合并十之九小舫曰畱春爲我置杯酒畱春小舫蕪湖故

尹陳聖脩自澹人居至洪園合并爲一中築畱春小舫以時觴詠

右軍樂會稽石丞家輞川置君二右閒可以終殘年希右園陳尹去任

久之園歸王子卿名曰希右意欲希蹤右軍蒼墓不出耳余謂一右字似不能該右軍不若兼摩詰爲備

先生背湖坐鬱鬱四十年昨朝移楮山始見湖中天張于湖祠在來佛

亭東卽澹人居故址割其南半以祀先生今移楮山滴翠軒矣

次韻再登滴翠軒軒前向爲叢竹所蔽移祀于湖先生命僧斫去江山在望頓還舊觀

蕩落琅玕首重回軒楹呈露翠屏隈不辭再蠟登山屐相與同

梯曲磴苔遠岫隔江兼浪湧征帆隨鳥撲檐來鏡湖本是公家

物七百年來攬照纔陶塘亦號鏡湖卽于湖先生捐已田百畝所成者

嘉慶癸亥六月廿四日温篔坡前輩於澄懷園招同直

諸君爲荷花作生日今二十六年矣家居復值是日聞

湖上荷花盛開畏暑不往作此遺意

湖上荷花盛開畏暑不往作此遺意

湖上荷花盛開畏暑不往作此遺意

憶昔澄懷温八义開筵此日壽荷花招來直伴詩攜袖嘯取池
風香滿家勝友盡隨流水逝後生誰作舊聞誇于今畏暑關門
坐一任平湖爛錦霞

立秋日湖西道院納涼院記許真君遜

千柱深宮訝許同旌陽宮殿亦清空雖非萬里中和頰也有生
涼一角風

囚鎖蛟龍自昔聞強將仙吏作真君三清法要吳親授卻爲仙

階屈世雲許真君少師吳猛傳三清法要後誥母傳道許位在吳上今故從旁祀世雲猛字也

僧房道院游都遍長箠單絺汗未收多事被他彌勒笑迎涼今
已到迎秋

地火並引

江鄉稻田六七月間遇小旱輒起地火火無形但見根

壹齋集卷三十一 八

葉焦灼穀遂不熟洪容齋五筆云餘干安仁罹地火之

厄地火者苗根及心蠶蟲生之莖幹焦枯如火烈烈正

古所謂蝻賊也是地火南宋時已有之今農夫不知以

爲有神不知何時又名其神爲用姑娘塑像建廟報賽

唯謹幸不爲災則謁其衣食百戲以酬之按爾雅蝻蝻

蝻賊分別四蟲食苗所在之名許慎以爲吏冥冥犯法

卽生螟吏乞貸則生蠚吏冒取民財則生蝻李巡孫炎

亦皆以爲貪政所致然或百畝同災或越阡陌則否甚

或一畝之中僅及其半似亦不得盡歸咎於吏矣余憶

三十年前江鄉種麥甚少今則幾無閒田豈地力致薄

而生此耶抑糞土之宜肥磽不一邪田祖有神詩言之

矣不禱於八蜡之廟求其所以致蟲之由矣指一女子

神而祀之以驚動愚夫婦之耳目則惑之甚者矣乃爲詩以曉之

春秋屢書蝻卽今所謂蝗又或書有蜚食穀斯爲殃厥類繁有徒羣雅釋未詳或呼爲虵蛸或名曰好妨方言間譌替不離蝻蟲行奈何冤富媪安爲炎崑岡大田去螟螣害穉先爲防古法今茫昧今農惰爲常我讀爾雅翼負盤去有方負盤卽清晨集稻花掇拾乘滄涼內訌不可知莖葉外必傷披尋時搦之毋使庶蠶藏胡爲嘆烈烈袖手隴畝旁

天心最仁愛民愚殊可憐厥吏有明罰於民何辜愆旣遭貪夫貪重以憂無年未損吏橐肥先令民釜懸彼昏或不知此已失所天一吏設三犯橐黠成盡焉感召有之以身爲因緣罰此而禍彼說經毋乃偏又何怪安石許已開其先

壹齋集卷三十一

九

庶勦氏其官昆蟲殿八蜡匪惟除毒蟲亦恐害禾稼主之自有神生滅稟造化要非人意爲姓氏從假借桓桓劉將軍驅蝗蕭星駕頴宿著忠靈官吏所仰籍劉猛將軍元指揮劉承忠能驅劫建廟三歲一祀載在會典道光四年頴宿此焉不攻榮別欲有蝗災禱於神有應 御書扁額懸於廟事媿妖煌煌祀典垂赫赫神光射潔爾牲醴誠還爾青穰我爲作詩歌助爾秋報謝

題陳煥畫

切天壁立青巒隗泉紳百折垂天來砒巖轉石灑飛雨助以萬壑松風哀山樓嵌空聳木末茅屋倚澗灣澗幽人翫水意蕭散那知塵世烝氛埃今年秋暑一月熱如煮炎曦不受涼風催僧房道院避無處日坐清砌頻千迴惟欣俗諺竟不驗頓令老健增歡怡諺云老健春寒秋畫中人語子母躁訇較正轉南山後熱言不能久也

雷沛然一尺田野足穀粒堅好民無災掃除一室恣眠覺還子
清淨雙眉開人閒佳境如畫頗不乏壯游子亦曾到温與台龍
湫栖溪結屋復誰禁胡爲對此故紙徒嗟嘆

涼

雨點不盡地涼風吹滿天花如醒乍解人若病初痊枕簟清堪
夢縹緲近可編猛驚秋欲半轉爲惜流年

食稻雞

兩兩曾聞出稻畦于時不共夕陽棲須知中有豐年味莫忘辛
勤兩一犁

傳硯圖

蘇州太守陳鑾繪其祖成都太守正勳父宣城令受培

遺像以生平所用硯銘揚於後末繪己像亦以校書硯

壹齋集卷三十一 十

銘附之題曰傳硯圖

一經傳治譜三世硯爲田清德承家遠貞操比石堅祠仍西蜀
祀詩誦北樓篇爲問蘇州守人言似樂天

樂天才識茂治郡稱繁雄

帝獎勤民力親加祿秩崇鑿陂通水利造士甚求忠遺像康成
在分明鄭小同君先守松江以海運功加道銜疏通水利葺方
正學祠求忠書院士民德之君祖繪像方頤豐

聶君頗似之

徐編修寶善入都道出蕪湖投詩志別賦此荅之兼寄

程春海祭酒春浦侍講

江雲畱客賦尖叉故遣顛風起舵牙老我青山忘世事酌君白

酒憶天涯有人視草方同舍此去看花正滿家春浦直舍卽余
食荀齋所種花

聞尙繁茂爲報衰翁健如昨年來相伴有煙霞

臘日湖上夜歸

司花似惜年華而故遣黃梅九破蠟爲傳春歲併開端勤買芳
醪傾百榼秦少游元日立春詩天爲兩宮同號令還家屈指已不教春歲各開端明年元日立春故云

臘日得曾孫明日子卿來賀畱飲壹齋次前韻

棲鳥遯樹枝三兩呼燭奴爲燃蠟吐嗟不稱湯餅筵聊當消
寒具壺榼我年八十得曾孫正似窮冬遍殘臘何時窗下聽啣
啞會見尊前能跳跳姑妄言之且喜歡差幸酒狂客無襪況有
梅梢弦月明連夜清輝洞窗闔我倡子和休厭煩準備詩筒互
酬禽流年一任擲如梭不學采和歌踏踏

湖亭再集再次前韻

湖山一日行百市溪翁見慣同嚼蠟箇中不識有何好重令先
生費盤榼今年消夏復消寒直從三伏連三臘不擇丹房與唄
宮強就維那求挂搭浮雲蒼狗變須與祇談風月言毋襪弁年
家事久不聞底用閉門填左闔歲云莫矣更淒清絕少饋遺相
贈禽貪癡垂老幸能除甕破夢醒何待踏

感事三次前韻

天道福禍相環而歡華過眼蜜成蠟笑他持滿不自持彊進一
杯但空榼彥回不幸壽期頤之奇早識虞不臘夜行不止相無
人失足幽宮煤一搭飲乳難療老病飢投荒竟與蛟螭襪廢園
眼見昨移花此日雙環門亦闔宵寒遙憶獨嗟矜形影天涯孰

爲禽曾冰飛雪難久畱魂兮歸來莫輕踏

除夕迎春詞

拍手兒童笑不禁兩般華勝一番簪今年春比常年好人有豐年擊壤心

挑芹翦韭趁時新翻餅來朝共齧春省事天工定相笑賀春人是賀年人

微霰連番似撒鹽笑他滕六亦何廉開正要貯陂塘水莫惜春膏一尺添

君恩三載許歸樵獻歲逢春值此宵八十尙能勝九拜望雲遙作太和朝

當塗 黃 鉞 左田

古今體詩四十六首 盡已丑一年

己丑元日立春子卿駿生集人海歸帆卽席賦此

我生四值歲朝春 乾隆癸酉壬辰嘉慶己丑 恰好平頭八十身世際

六朝全盛日家傳七代太平民 余家自當塗遷蕪湖七世矣 疎花竹塢寒爭

豔生菜椒盤巧鬥新榼箇高歌娛令節圍鑪暝酒醉交親

六十年前一秀才 余以乾隆己丑入學 何期髮背到黃台早從諸老蒙揚

譽晚辱門生謬見推風月本由無價得田園都自 賜金來卽

今歡賞須排日且覆富筵現在杯

書堂深靜樹周環里社三人足往還逸少幽情仍曲水謝公雅

志在東山常珍聊慰諸兒養洗盞重歡坐客顏好共扶筇讀寬

壹齋集卷三十二

詔林泉猶辦十年閒

落燈日雨窗遣興

黥黥春雲暗又明雨絲雪片閒縱橫東風似惜飛英易勒住梅

花不放晴

春寒狐貉尙衣兼火冷香鑪手自添藏酒百餅難諱富擁書萬

卷不傷廉

吟詩寫字工何益問舍求田拙不通虛向太倉分鼠竊養成八

十一衰翁

三載曹騰臥一邱空將佳日負春秋今年不遣元暉笑準買扁

舟賦近游

風情久作迎陽雪豪氣時如觸石雲白是朱生緣疾惡漫疑罵

坐灌將軍

宣子憂貧叔向賀馮驩市義孟嘗驚百年未了榮名在不把頽
唐誤後生

春雪

春雪忽盈尺梅花纔半開呼童爲除徑著屐獨登臺
蔀屋寒如此孤鴻何處來青青麥苗短壓隴莫深埋
爲報溪流涸因之漕未通急資千澗水浮送大江東
霽色開林表迴風尙舞空持杯祝滕六春氣要和融

湖亭雪霽子卿招飲

湖山雪霽波油油湖亭似欲隨波流風帆泛江乘虛舟
浪聲汨汨撞船頭漁舸何來三尺脩不知兩足將焉投
大魚跋浪殊可憂小魚瑣細不足羞何故驚我雙白鷗
主人載酒湖亭幽欲校酒量分劣優酒兵罷戰五十秋
旣老敢復營糟邱當前清景不我畱依稀雪樹藏經樓
癯仙闕人清俗稠知我不往蓋有由沿湖十里皆佳游
誰復阻我王子猷揮杯徑醉歸去休春風吹人漸和柔

次韻子卿醉歌

左陽右陰暗易手診者切脈疑而走子反戰酣渴欲飲穀陽愛
之進以酒誠者乃僞僞乃誠人情叵測由來久聖賢之學在自
反恩怨於人果何有我時疾惡或嫚罵深悔招尤坐此口執筆
方思作董狐一夕灑然忘誰某君詩往往鳴不平微文譏刺亦
云偶休將得失爭雞蟲多恐酒酸因噬狗人生三立苦未能等
是散材誰不朽詩人之旨婉多風溫柔敦厚君知否

左陽右陰見後漢書

郭玉傳

子卿見和湖亭雪霽之作再次韻

和詩手熟如杓油點滴皆令錢孔流又如順風駛輕舟行所無
事憑黃頭攻險押強無短脩金硃瓦礫紛雜投以我御意何足
憂窘步毋使遣山羞我老泛泛如鳧鷖風吹輒聚林塘幽與波
上下相狎優皮裏何處藏陽秋古今同是貉一邱獨嗟鴻爪跡
不畱春晴杏花紅滿樓燕睇楊柳綠亦稠行歌坐嘯皆自由況
有膳飲從之游洽聞君慕阮德猷我欲襍篇擬湯休勉哉毋惜
柔毫柔

子卿再次前韻作此答之

禮成三爵神油過此則爲飲者流操舟勿操上水舟艱澀須
避急灘頭尺有所短寸有脩夜光明月毋暗投笑我無事自買
憂老而耽吟不自羞懶於病鶴閒於鷗湖之水兮色幽幽五日
十日相娛優小車不羨田千秋大耄幸可躋麥邱春林聽喚黃
栗畱此心已馳謝朓樓不須節冷杏粥稠舟車輕便皆可由君
能襍被從我游人生何者爲聲猷役車輻輳不肯休孤此花木
旨酒柔

花朝湖上夜歸

信是溪山好處亭天容溫麗水空明東君不耐鞞紋皺故遣封
姨熨貼平

窺牆文杏紅生靨臥水垂楊綠浸腰好是平鋪一湖月清尊冽
唱作花朝

曉晴載酒尋花醉夜靜盞輿看月還不解機心更機事較量我
比白鷗閒

人言得似樂天無何事句畱戀此湖一笑鬚眉太村劣不堪畫
作重屏圖

駿生饋河豚

萸蒿滿地筍抽籬頗訝河豚上市遲
忍枉筠籃分一部情無豪客合雙
卮東坡居士饗曾賦南國梅仙戒有
詩齊楚不知誰得失晚餐一笑獨支頤

詠史錄舊作

王維蒙僞署千載疑相因區區池上
篇亮節希自陳當時傾聽誰裴迪交
最親文章飾大義何以服後人不見
賦閒居乃復拜路塵

柳州棄蠻瘴頗有媿悔言慄慄念冢
嗣戚戚思求婚才高遭眾忌孰肯鳴
其冤當年附王章未必思求援惑於
國土遇遂爲知己恩少年務輕進乃
入羝羊藩諒哉昌黎公直道三代存

清明日獨酌對未開海棠

的的生紅映碧苔一枝斜倚翠筠栽
不煩坡老憐幽獨合著遣山詠未開
深注歌昏嬌欲啓淺凝笑靨夢初回
白頭到底情難遣也爲楊枝飲一杯

上巳日駿生招集湖亭修禊

老聃貴攝生淮南好神仙蕙蘭無久
春龜鶴多長年浮沈大化中孰是返
自然歡此元巳辰愜我平生緣山茨
面清漪桃萼塞朝煙稍聞清歌發載
載聽鳴琴宜主人知止足客亦鄙吝
俯仰睠流光蕭散懷前賢

緬肯王謝徒長謠顏沈詩佳日古所
欽豈獨在今茲生年躋大耋白日傾
西崦芳醪馨溢尊繁花紅滿枝山容
媚朝昏湖波綠參差秉燭未爲晚新
月窺軒堦浩歌對三益爲樂當及時
但恨草橋側逝者無人知乾隆甲午上巳曹少僕慕堂先生招集京師右安門外草橋修禊會者二十餘人葦

石覃溪半媚竹君諸先生皆在焉今五十六年蓋僅有存者矣可勝浩歎

詠白牡丹

湖嵌一朵露華滋
靡度微熏月替姿
始射雪消呈皓質
華清湯暝試豐肌
忘憂萱草應憐淡
招隱瓊花未足奇
須識鄴侯元富貴
白衣曾對聖人披

李義山牡丹詩應憐萱草淡却得號忘憂

繁昌令張

星煥

遺湘醺四尊
五月二日與子卿雲聲閣

觀競渡飲之

湘東鄙渌舊知名
風送江帆束帶迎
避暑正思河朔飲
開尊真似建康清
休誇竹葉過臆美
欲妬榴花照眼明
台泛蒲觴聽楚些
武陵招屈有遺聲

劉夢得競渡曲自注競渡始於武陵舉檝唱歌里辭諷替雖不可解而發聲成些猶有餘音

子卿饋石首魚三頭

壹齋集卷三十二

五

秋化春來不自珍
一帆京口送江濱
金羹玉飯無人識
孤負于

湖雉尾蓴

石首鱗色黃如金和蓴菜作羹謂之金羹玉飯見爾雅翼蓴為蕪湖土產無人采食故云

魚三文合訓為鱸
食料書生信有緣
猶記

春蒐南海子
進鮮分得柳條穿

涼篷子詞

涼篷子者秦淮船名也乾隆年間遇重五時溯江而上

至蕪湖輒數百十隻游人爭雇以觀競渡歲甲辰葛冬

村遲

具舟邀邵未齋先生尹甫外兄余及子卿與焉作

詩六首諸君皆屬和稿久佚道光己丑五日子卿翻舊

篋得之裝以示余相距四十六年矣爰刪去二首稍加

點竄存示後人俾知緣起焉

貼水輕於葉落纔綠楊風動便吹開闌干半是顏家活為語虛

舟漫觸來

宋臨安顏家巷髻器物不堅實時呼為顏子生活舟艦皆髻漆倚於舷外故云

不施篙艣不安窗慣繫秦淮水閣椿聞說于湖方競渡湖潮爭

到魯明江

就裏頭船號走艫藤棚漆板略相當華燈照水笙歌沸不枉人

呼小建康

走艫藤棚漆板皆船名蕪湖俗有不南京之稱

分明謝舅為開先我昔髭髻侍几筵一樣江天好風景慙曾

不似當年

侍御舅戴孟岑先生曾買兩舟來蕪湖錢時方十餘歲即陪侍焉

六月九日三昧庵納涼感舊

昔年逃暑此精廬朋輩謹呼樂有餘戲著僧衣參伏虎醉尋佛

印倩燒猪

庵內伏虎羅漢曾著靈異七友葛冬村效梵唄酷肖僧松溪烹飪最精

伽藍象設還如

昨伐閨門高過已墟蒲椅竹牀涼夢在重來慚見去時書

邵未齋先生遺像

壹齋集卷三十二

雅量謝安石工書王右軍文孫能繼武夫子久凌雲翰墨尋常

有人師不可聞展圖拜遺像老淚落紛紛

獲第遂長別於今四十年後遂不復見名言三爵後風趣六朝

前顧我常青眼慚公早白顛虎賁誰得似感歎重悽然

道光九年六月朔日

上以臣鉞八月五日八十七生先期 親灑宸翰 錫

以扁聯扁曰引年頤志聯曰玉瀾圖繪依光近綠野襟

懷養福長並奉

上諭子告尚書黃鉞曾直內廷宣力有年學問素優人

亦謹飭本年八月為伊八十七生辰特頒御書福壽扁聯

並錫以壽佛如意朝珠文綺等件用迓福祉伊子禮部

七品小京官黃富民著加恩作為該部候補主事俾聞

之益增慶慰並傳諭黃鉞不必遠道跋涉來京謝恩以
示朕優禮耆臣引年至意七月廿六日臣子富民自京
賈到臣當卽出城跪迎叩頭祇領伏念臣於嘉慶己卯
年七十蒙

仁宗睿皇帝賜扁錫壽逮今十年又蒙

皇上詔書褒美 錫予便蕃既進臣子一階又免入

朝陳謝疊受 殊榮冒濫已極自顧殘年無路可報敬

紀長律二首垂示子孫永永勿忘云爾

堯文魏煥賁焚燎又捧 奎章下九霄載路風雲神物護開函

珍綺 御香飄卅年給賚踰三錫十載光榮荷 兩朝翹首壽

星躔耀丙天階拜舞隔仙僚

頻聞 天語近臣宣蒙 記衰羸犬馬年荒落久爲閔子笑顛

壹齋集卷三十一 七

愚猶得

聖人憐 恩私老穉全家被 異數江湖萬口傳願竭葵心向

朝日秋風承露更清妍

藏雲寺

寺在太平府城東二十五里武神山中有醜心泉歲旱可致雨志載李端叔墓在其左按史李後徙唐州終朝散大夫未聞歸葬姑孰今墓亦不知所在

榮确欲無路松杉枝格交霜新林葉變寺古谷雲包石竇窺龍

穴經樓俯鵲巢姑溪墓何處極目但蓬茅

余以乾隆己丑入學爲弟子員及今道光己丑六十一

年矣太守陳公雲廉知其事署書重游泮水四字榜於

門賦四絕句勵諸同學兼以志媿

橋門濟濟立青袍九九人中孰最豪一府學額共八十一人學者漫疑麟

角少當年我亦一牛毛

竊祿歸田負

主恩略無裨補媿朝紳諸君努力青雲上莫學衰翁作幸民
不命肩輿不著鞭藍衫脫却拉朱然市樓買醉看迎學一刹那

閒六十年

謂前己丑與朱蔚堂同年看迎學事時蔚堂先余入學

聚觀溢巷復填街狎恰爭看老秀才寄語紅妝莫相笑阿婆曾
自少年來

夜泊青山下

小舟百里趁谿行到得青山已二更月黑不知何處泊但聞犬
吠碇船聲

十二月二十三日湖亭漫興

碧波三面浸虛堂寒日經檐晝漸長盼雨爲憐叢竹浣趁魚翻
笑野鷗忙旗亭買酒門先閉山寺探梅徑已荒不用崢嶸愁歲

暮且來呼吸對湖光

嘉慶乙丑除夕在京師大兒

初民

用風俗通畫虎于門

故事作歲朝圖次初白庚寅元日詩韻題之明年道光

十年正值庚寅再次前韻書于舊圖左方

梅邊殘菊尙鮮新差喜孤芳德有鄰

時尙有殘菊

宵暝未煩燒木佛

詩寒只可沃茶神遺編獨守將闌夜九秩旋開第一春檢點舊

圖徵往事椒紅柏綠已三寅

壹齋集卷三十三

當塗 黃鉞 左田

古今體詩四十八首 盡庚寅一年

庚寅元日再次前韻

守歲雞聲方踞且賀年人語已喧鄰
即看花竹生和氣何用虛無養谷神
細雨易滋苔葉綠東風難染髻毛春
漫將早起誇身健卅載趨朝入每寅

迎春日三次前韻

春入新年正涉旬土牛行處動鄉鄰
休憑繪壻能占歲須識句芒別有神
土牛芒神蓋本後漢志立春日施土牛耕人於門外以示兆民遺意今以人牛色相占水旱本景祐土牛經
裝樹香霏三徑雪膏田霑企一犁春
連宵寒月清如水仰看招搖恰指寅

壹齋集卷三十三

飲湖上感鄰園池館淪謝作歌

風楊舉舉矜少年弄黃弱縷搖春煙
老梅著花只孤賞苔皴蟲蝕羞人憐
物情榮悴豈自覺人意半為繁華牽
吾衰愛人少年伴縱步不讓他人先
湖山笑我老耽酒惜我意氣非從前
荒園芳草刺陳迹孟公在昔曾開筵
百觴不醉春風顛花枝雪壓傲吟肩
水面月出波淪漣宵寒欲抱梅花眼
梅枯亭圯酒徒逝倏忽閱人已成世
留連光景向誰言獨立蒼茫語空際
絲管嘔啞動四鄰老夫白髮又逢春
華燈明月參差是不見當時舊酒人
許耕餘 仁 以漢上雲臺見遺附快舟
不五日至蕪湖色味如新是乾隆甲辰
在武昌度歲圖入歲朝圖者載賦二絕寄耕餘

粲粲黃花簇紫莖如逢舊識眼俱明
供余一筋殘年飯累爾風

江千里行

煩君致子附家書手闢荒畦待雨鋤好與元修遙屬對也教人喚作耕餘

雜詩九首

和風嘯新鶯初日上高柳牆頭辛夷花光豔射窗牖海棠獨嬌然媚我垂白叟虛堂貯圖書斗室接賓友卽事多所欣何必命尊酒披衣行中園景物皆我有

百年幾何時矧已開九秩但媿德不修何圖老能佚神明幸未衰且復親紙筆春秋風日佳花竹參差密率性養天和坐俟此生畢慨彼戚戚人一日復一日

谿壑難遽填富貴不厭欲服食更求仙松喬意未足巢林僅一枝飲河期滿腹東坡亦有言老盡非我獨爲善務及時知足庶

不辱炳燭念古人開卷時還讀

壹齋集卷三十三

昨日何暄妍今晨倏淒冷慘瓦微霰零撼樹飄風猛維時春已分穡事耕宜省三冬雪澤稀甘雨望引領願爲布陽和一夕霑萬頃衰頽世無需飽食息孤影

獨學而無友忠告常不聞十室有忠信出門伊誰親舉世習爲儒誦讀多苦辛借問讀何爲答云榮其身此身責且備佩服周孔倫何辜詩與書爲爾富貴門

子孫豈不念饑寒亦當恤安危擇所遺賢愚審其質康成戒益恩寡恨願已畢淵明責阿宣亦僅愛文術疏傅雖多金益禍殊不必試觀善射人鵠正自無失

荒園列初榮雷雨滋其時春寒似太甚發生恐非宜良辰近上已爐火猶未離歸雁飛不高悲鳴去何遲杜門澹無營有酒姑

酌之揮杯不成醉彥會安可期

一雨修七日田疇既霑足惟祈解衣耕天晴叱黃犢愚眊願望奢疑慮滿胸蓄傳聞孟陬初全龍見江曲遂恐厄水年田禾秋不熟耒耜且未勤豐歉胡預卜

老人不自量抱書輒終歲舍之又復親坐是目爲醫小邑務奢淫子弟多翫惕嘗恐佗事乖流爲風俗弊戒得豈殉財辭榮非玩世不敢語他人怵惕用自勵

題文徵明畫王右軍像

退保長淮尚可圖清談廢務竟何如謝安終負蒼生望殷浩深慚北伐書江左百年無此論蘭亭一序乃其餘忠忱欲爲文皇掩專美臨池史筆疏

嘉慶丁卯武昌典試事竣戚

子模

寫柳枝隻燕見贈今

壹齋集卷二十三

三

戚歿十餘年矣感賦一絕書其上

漢上征軺記再停武昌官柳尚青青而今剩有呢喃燕獨語梢頭孰與聽

宋牟子才太白脫鞵山谷返棹二圖石刻在太平府學尊經閣下據宋史本傳牟作郡時寫力士脫鞵之狀爲之贊而刻諸石屬有拓本遺宋臣朱臣怒泣懇於帝已降兩官志謂子才七世孫元太平路經歷景陽刻今返棹圖有元至元戊寅湖州路歸安縣尹子才孫應復跋云先祖存齋先生忤閹宦董宋臣以集英殿修撰出守姑孰作返棹脫鞵二圖以寓意宋臣益怒乃罷郡去又云今八十三年矣不肖孫承行省命監海漕敬奠祠下摩挲石刻瞻拜而去按元至元戊寅爲順宗六年上溯

八十三年爲宋理宗寶祐四年與史正合脫鞞圖僅有
明成化施奇 本朝康熙寇明允二跋並未言及重刻
者爲誰其爲原刻無疑不知志何所據爲子才七世孫
景陽刻嘉慶壬申余在京師作此圖詩亦據志注爲景
陽刻承譌襲謬未暇深攷頃友人揚贈二紙始知其謬
媿赧無已爰記以詩並及向所聞赭山塏荆山寒壁摩
崖之誤以志吾荒陋焉

地志荒唐不足論當時我亦昧朝昏到頭八十三年耳那得牢
家七代孫

赭山塏誤赤烏年寒壁摩崖駱氏鐫一例麤疎憑耳食悔從古

老謬流傳赭山塏向傳爲赤烏二年造蓋因城隍廟誤也近日修塏得頂上石刻始知爲北宋初建荆山摩崖寒壁

二字乃明侍御駱公刻見曾表游記向亦誤爲歐陽圭齋蓋又因歐湖誤也故老傳聞不足憑信如此

壹齋集卷三十三 四

何澥生 穗 浙人流寓蕪湖愛潔不娶精音律善畫乾隆

乙卯冬余將入都澥生餞於馬千之一角山房且索余

畫志別爲吹洞簫以侑之自是不見者十數年病且死

屬友人致聲曰爲我題布衣何憶之墓余哀其志書以

付之畫今流傳於顧可亭處請余鑒定題四十字於左

方

思遠終身潔劉歆到老鰥丹青心所寄絲竹妙能嫺遺屬俾題
碣交情剩畫山如聞洞簫咽那禁涕痕潸

五君詠 有序

青山舊有三賢樓祀謝元暉李太白郭功甫太白在宋
已有祠陸放翁入蜀記所謂太白烏巾白衣錦袍又有
道帽警裘侑食於側者郭功甫是也合祀謝公未知何

時鐵讀宋史文苑王逢傳逢字會之太平州當塗人其

四世祖居嚴仕唐爲驍衛長史遭亂歸青山楊行密據

淮南以兵迫之居嚴散退其家人以一身歸行密一日

大會失居嚴行密使人掩其家無一人後有人於嵩山

見空石室詢其旁云有道人王居嚴居此去莫知所終

逢博學能文尤長於講說學者數百人李瑋嘗從學事

之甚謹岐國公主既降按宋史公主傳李瑋尙仁宗長女充國公主後降沂英宗進越

國神宗進楚國追封秦國徽宗加周陳國無岐國傳誤瑋爲逢求遷官且有命逢

辭不受以太常博士通判徐州卒逢爲人樂易篤於朋

友與胡瑗最善妻陳亦有賢行無子是王氏祖孫吾鄉

之賢者未能或之先也且家於青山禮宜合祀因增設

二主重題其樓曰五賢並做顏光祿五君詠作詩五首

壹齋集卷三十三

五

付陶君之鍾俾刻之樓下

謝公愛青山結宇恣嘯詠不對芳樽領還看餘雪映情遭鷹隼
擊未從谷口鄭高松送虛濤山池瑩明鏡烟霞一以新椒糶敢

忘敬

謝宣城

仙骨埋青山草木發靈異至今邱隴閒時有龍虎氣永王號勤
王初亦無異志女孫山農妻尙知節不二先生天人流豈後君

子智

李翰林

王公遭兵迫隻身歸淮南先期散家人豫絕其搜撲一夕乘大
會遁入嵩山嵐黃鶴不復返白石存空龕爲問山人隱德誰

能談

王長史

會之長史孫博學最善誘學者數百人李瑋相從久主降為求官有命辭不受出處類湖州宜為道德友梁鴻雖有妻伯道竟無後

王通判

功甫慕青蓮天才亦惟肖道帽披暨裘侑食像曾貌當時醉吟庵所築必幽奧拂衣便歸休不用歌難到鍾山骨已塵鶴去鳥足弔

青山集有補到難篇為真陽碧落洞天作又挽王荆公詩裕陵龍始蟄鍾阜鶴隨仙

郭端州

食時魚戲效仇山村體

風定扁舟兩槳飛雨餘新水一江肥銀鱗網出心先醉便為時魚也合歸

壹齋集卷三十三

六

便為時魚也合歸離根紅綻野薔薇一尊徑取花間醉况有新芽竹筍肥

食食筍齋前筍戲作

筍亦以名之

食筍齋澄懷園直舍取山谷和東坡詩意也歸田後齋前有竹數百

澄懷直舍垂千个人海歸航數百莖十七年來南北共而今始不負齋名

韓孝女

孝女順天宛平人東流令韓

藻

第四女矢志不嫁母歿

絕粒十日死年四十有二

北宮嬰兒子養親老不嫁貝邱四女祠至今祀村社未聞以身殉從親於地下韓氏有女家宛平四十不嫁孝且貞父歿求死不得為母生後八年母歿絕粒隨以行有兄復有弟姊妹行第

四父兄佗官號良吏十齡讀書知大義讀至女子有行輒流涕
從容爲相攸長跪但垂淚兒身父母身行止烏可離乃知至孝
天性成與古列女事殊異吁嗟乎屈原沈身非過忠孝女死孝
將母同

閏四月二十七日夜夢與人詠槐醒記一聯因足成之
涼雲一枕陰剛午老火千年色尙青知是何人舊詩句好風吹
送到槐廳

鴉胡謠

鴉胡水鳥也至則兆水道光庚寅五月八日雨集湖亭
鴉胡見焉閱三日鳳林圩破田家五行云夏至前爲犁
湖主大水至後爲犁途主水退今距夏至已六日諺竟
不驗

壹齋集卷三十三

七

鴉胡鴉胡母食我魚食魚猶可水至則那解一水至則那三日圩
破不謂鴉胡能速我禍解二禍匪鴉胡實降自天十日霖雨不自
鴉後不自鴉先解三農亦有言至後犁途胡今不驗而反犁湖解四
維鴉之來天適雨維鴉之去雨不住嗚呼農夫兮曷思其故毋
罪鴉胡兮毋重天怒解五

張農部

祥河以鉞蒙

御筆寄示閏夏朔日喜雨詩末有縈懷江上思儒雅煙
雨招吟逸興迢之句繪圖賦詩約南書房翰林祁庶子
嵩藻許侍講乃普

同和郵寄蕪湖次韻

開函煙樹靄蒼蒼爲寫招吟賀雨章朝士動容天澤厚門
生相慶

聖恩長一時詩好從中和昨夜風來自北涼說與詞林添故事

老夫榮勝詔批黃

次韻祁春浦庶子

尊前別語君休絮西園我昔何曾去江南四見雨迎梅夢裏時看竹來春浦直舍卽子食筍齋人生會合有天意身作雲龍等閒事九天咳唾時復聞蓬萊書亦空中寄憶從叱石歸金華明月清風屬謝家經費本無樊素口招涼不醉荷筍酒芒屨竹杖拜君恩畫意詩情久不論惟憑祁岳雲山筆更貌荒江煙雨村

次韻許演生侍講

車聲雷動曙山蒼直舍林陰接豫章萬柄荷香魚鳥醉卅年鷗夢水天長紀恩作畫圖新雨憶遠題詩詠晚涼聞道奎文勤校勘北窗惜未與鉛黃開方詩御製文初集校笈倚郭湖山也鬱蒼清狂未敢擬知章蕪湖城西有湖土人亦呼爲鏡湖養閒風

壹齋集卷三十三

八

月看無盡媿老詩書味最長畫裏胡盧誰共醉張畫中有背胡盧者蓋寫其兩戊錢子詩恨不相從杖履閒捧觴挂箇胡盧去向意水邊高館記追涼明年倘遂朝

天願應及宮槐花半黃

庚寅九月六日子卿太守招同唐季觀邵小璘暨兒子

初民富民

游荆山尋寒壁寒壁爲明御史駱駘曾題年

月姓名皆剝蝕惟馬字偏旁約略可辨傳歐陽圭齋書者妄也

憶初訪寒壁太歲在癸丑厥後凡再遊重五復重九嘉慶己未道光丁亥

摩崖名已泐不復知誰某譌替誣歐陽眯目但信口今年雨多

水不縮擎舟直抵荆山麓朱氏園林蹟有無寬閒惟便驂騑牧

荆山下國初有朱孝廉讀書處沿湖一帶爲江甯將軍校馬廠是日巖光照午晴寒壁二字猶

分明歲月漫漶姓名蝕略存馬足偏旁形承譌襲謬三十載沙

壅灘高湖亦改當時游者六七人惟剩龍鍾兩人在予與吁嗟

乎地志淺陋不足觀誰復知有蕪湖山此湖此山若出口一笑

摩崖真等閒太平御覽宣城圖經云蕪湖山在縣西南山因湖

宣州舊城在今城東北故云縣西南今縣東南湖上更無他山御覽所云蕪湖山當即今荆山舊名志失攷耳

子卿追和減丁亥九日泛歐湖游荆山詩韻走筆奉答

好是絲哀竹亦豪湖天空濶調彌高翠煙遠掃山橫黛綠鏡平

沈水沒篙坡老驗時惟看菊菊花開時乃重九涼天佳月即中秋坡公語也劉郎窘步

為題餒蟹肥魚美村醪醜不負餘年恣老饕

寂寞湖濱碧玉巖苔花藤蔓澀難芟詩篇自我流傳誤姓字憑

誰為補劊新月娟娟映前浦微風緩緩送歸帆路人莫謂疎狂

甚老子茲游本不凡

葉筠潭方伯自太原寄示和詩舫農部煙雨招吟圖詩

壹齋集卷三十三 九

並以見懷次韻奉答

正臨秋水詠葭蒼忽枉陽春屬和章謬辱

主知恩獨忝頻蒙朋好意何長重搜篋笥多珠玉一別雲山幾

燠涼後輩有人方在告乞將佳句示秦黃謂祁春浦田季高方告歸籍

湖亭卽事

消寒無伴且尋梅虛檻臨湖四面開一片空明誰會得漁人歸

去白鷗來

陳都轉鑾之任廣州檣舟江上顧予寒葦賦此贈行

樓船直溯五羊城嶺樹花明海鏡平管子餘才稅鹽筴劉生勝

算利民生顧子白髮三冬暮送子青雲萬里程漫道此鄉多寶

玉須知使者重聲名先師朱文正公開府廣東紀文達公集句寄之曰此鄉多寶玉夫子獨聲名一時傳

誦今予亦借以贈君

耕餘所致雲臺子種之已可供食而耕餘適自漢上歸
遂約同飯東坡元修萊詩云長使齊安民指此說兩翁
後詩未嘗及之則元修果否致子未可知也戲占一絕
示耕餘

耕餘萊熟耕餘至恰直登盤晚飯同從此園丁能指說齊安真
欲傲坡翁

王荆公

曹參不變蕭丞相王旦嘗思李太初若使青苗果無害熙甯何
苦罪荆舒

枕上聽雨十二月十八日

雞鳴不已天欲明老夫布被春氣生連宵釀雪雪未成蕭蕭檐
雨忽有聲山農跂望聊慰情忍寒看雨開柴荆麥苗萊甲潛滋

壹齋集卷三十三

十

榮想見一碧千畝平梅花不耐兩月晴爛漫漸欲飛繁英寄言
司花姑緩行不須惆悵歲崢嶸春酒正熟思對傾

漫興

白歎桑榆晚人誇桃李榮同時三縣尹一郡五門生學使鄂復
亭繁昌令
張掖垣太平府教授張桂山庚辰進士蕪湖令圖曉山
丙子舉人當塗趙春山壬午舉人皆予典試所取士 教士先
敦行勤民在勸耕老夫百無事倒枕夢魂清

嘲唐花

村邊桃杏水邊梅花到江南底用催笑倒阿奴真下策牡丹強
使雪中開

餽歲唐花逼歲開競將春色買豐臺如何斗大江城內也學京
都樣子來

大雪十二月二十日至二十六日

大雪七日夜寒風欲折膠黏天雲一色搶地竹垂梢豈暇梅花
惜深虞麥隴交饑烏何處止有屋未茨茅

除日喜晴

乍聽虛簷冰柱墮旋看高閣日華明泥融巷曲誰通屐火活茶
香自滌銷餞歲詩陳無好句快晴烏樂有歡聲衰翁得意何人
會箭箭叢蘭冒雪生

壹齋集卷三十三

十一

壹齋集卷三十三

壹齋集卷三十三

除日喜晴

壹齋集卷三十三

壹齋集卷三十三

壹齋集卷三十四

當塗 黃 鉞 左田

古今體詩六十一首 辛卯 壬辰

辛卯元日檢點舊稿因題

老去情懷無所寄興來猶自愛吟詩劇憐小碎篇章外強半窮
愁危苦詞

歛吳小巖 雲蒸 以予乾隆甲寅所作叢竹扇見示

一叢翠篠足煙嵐喜與王戎續舊談三十八年游蹟在清風將

我到溪南 小巖子華水部之子 溪南所居村也

病中聞湖上牡丹大放

已拚數日卽嬰孩放遺殘生轉自哀應與司花緣未盡又教重
見牡丹開

壹齋集卷三十四

林風湖月重低回怯上籃輿得得來寄語于湖老居士檜軒稍

緩數年陪 時方修葺滴翠軒于湖祠

病起

八十年又二年沈痾垂死竟生痊何期雪鬢梳顏日 雪白紛
黃染病顏放翁 重覩紅稀綠暗天教僕掃除蛛網樹看孫補綴
八十二病中詩 鼠殘編可憐結習終難忘自是多生未了緣

園居遣興

薔薇紛干葩芍藥大如斗亭亭青琅玕旬日高過母梅杏暨桃
杷纍纍欲涎口苞苴日以至裹飯累交友孫曾相嬉娛日夕戲
左右踰不自持強欲牽衣走邗知病起翁腰脚非我有顧影
祇自憐支離不成叟

臥病兩月未至湖上四月幾望肩輿出城市人爭來聚

觀有女子闔門自語公固無恙耶故有第四句

藥裹纔拋便出游聚觀行聽市人咻非關問疾煩居士悔未逃
名學伯休兩月重來花事謝一樽猶記酒人留夕陽欲下不歸
去知被青山笑白頭

蕪湖縣東南鳳陽圩有田十萬畝濱天成湖堤長二千

七百餘丈道光癸未庚寅隄凡再決農民不堪其苦辛

卯孟陬許上舍仁歸自漢陽督圩丁築之四閱月而功

竣立亭其上榜曰有慶五月四日買舟邀同王太守

俛明經曼宴飲以落之用東坡兩橋詩韻作詩二首一

以憫農民頻年湖決之苦一以美許君不惑人言爲善

有終也

有圩縣東南長隄繞虹霓湖水蓄其址佩帶潔衆溪厥土惟下

壹齋集卷三十四 二

下尺寸分高低中有萬頃田爭此一綫隄譬若孤立土輒爲人

排擠七年兩遭決補東復鑄西澤農苦淫霖出入愁登躋倉困

鮮蓋藏道禳無豚蹄回思癸庚秋大浸天可稽蓬茅幻海市孺

稚如鳧鷖狎恰聚斷隄如登青雲梯饑蛇挂樹死窮魚膠於泥

千人幕一天孰判戶與閨所幸昏墊中猶得婦子攜悽其夜深

靜寂不聞犬雞竟欲叩龍宮恨無分水犀此生免魚鼈沒世甘

蒿藜至今一追憶痛如麝割臍

望君如望歲奚止旱雲霓翩然下武昌涉江如涉溪朝歸莫卽

田抵掌茅屋低饑寒豈不恤火急先築隄同井頗異志流言反

傾檐毅然一意行眇不覩東西危墻浴雨立敗埂杖策躋坐使

三千丈如砥馳風蹄一心成大功厥德不可稽招邀值令節絲

管驚浮鷺有亭翼然高劇土爲階梯良田碧千頃無地容塗泥

農夫輟耒耜紅女離閨傾邨來聚觀壺榼爲緩攜歡聲塞兩
耳不暇聽午雞競渡嬉雙龍刻石遲三犀待我祝 嘏歸再杖
觀稼藜坡公有成言勤修毋噬臍

江行書所見

洪濤三丈沒江隄燕子飛來亦覺低四十八年熟游路重過洲

渚境全迷余自乾隆甲辰後不復江行今江漲山低燕子磯幾不相識

一簇芟蘆水四圍望中島嶼鬨煙微忍饑自棹湖魚賣掠食心

隨江燕飛

河伯江婁忍不憐圩田破盡未泔然揮刀斷水元無法願借秦

皇驅石鞭

鄉城逆旅志感

餘生何幸再朝天優恤猶蒙

壹齋集卷三十四 三

聖主憐行至江甯按奉廷寄上以臣絨年逾八十甫經病愈未忍令其遠道跋涉來京祝嘏行至何處並卽折回不道有人暗相識謂予風貌似當年逆旅主人

本籍以示體卹者臣之至意謂予風貌似當年鄉諸生也

十八年前予視學山東渠曾與試謂予顏面猶似當年豈其然歟

辛卯六月十九日大兒初民侍予北上行抵沂水堃莊

驛卒中風痰口不能語歷四時而歿寄櫬野廟留二僕

守之俟予到京遣人載送南歸慘目傷心難乎爲父哭

之以詩

六十不爲天侍親非遠游邗知死有所故遣疾頻瘳京師燕湖大病者四

不死必死於羸博行非忍輻車歸待秋家書含淚寫爲孑子孫

憂

痼疾連年發幾番阻爾來傷心應亦悔有口不能開噩夢前無

兆孤魂鷓可哀一棺依二僕誰伴汝泉臺

二子壯有室兩孫秀可嬉及歸小春日慰我夕陽時十月十日為兒六十
生日子歸正值卞急傷生易沈酣止酒遲倉皇申道折祇益眼
其時更難為懷一前悲

再到澄懷園食筍齋直廬寄懷田季高祁春浦時祁以假歸田

以憂去

花竹依稀識故人門阿那若相親五年再到人非舊三徑重
開境一新維鷗有巢仍送喜懸琴在壁已生塵門前老榆鷗巢已三十年壁上高所留
懸琴為季太行千里青於染西望煙巒倍愴神

題潘尚書世恩癸丑翰林同年雅集圖

詞臣重望吳文定賞菊曾圖海月庵一自仙瀛傳雅集又從吳

乘續清談

恰好蘭亭修禊年大羅天上會羣仙就中識得三人面南望靈

壹齋集卷三十四 四

光尚歸然吳玉松周石芳戴金溪皆庚戌同年癸丑殿試者玉松長予四歲尚清健如昔

八十龍鍾一老夫重來真似曙星孤何時也倩丹青手畫作誰

陽五老圖庚戌同年在朝者僅蔣丹林副憲王蓮府大馬錢質夫郎中戴金溪少寇四人

題葉給諫繼雲同年采藥遺像

醫國醫人志未伸唯餘種藥像猶存我來君去吳何處目極歸

舟當寢門子七月到京合子東卿已扶柩南歸

漢上題襟兩少年形神曾倩郭生傳乾隆甲辰予游漢陽曾與君倩郭說巖合寫小像

那知後死龍鍾者卻為題詩一泫然

東阿邸店黃菊一叢花小香烈真菊也感而作此

競將五色絢東籬不識黃花祇故恣酬爾一杯三歎息可憐真

倘有誰知

道光辛卯夏五大水發自貴州泛濫湖南北江西南

濱江田廬盡沒死者無算冬十月歸自京師卽所見述
爲此詩仍用東坡兩橋韻蓋蕪湖圩隄築成曾用此韻
作詩相慶水至隄壞才二十餘日哀流民之無生媿振
救之乏術天實爲之謂之何哉

猛雨五日夜耳不聞霆電我時徂京師滯留於姑溪不知江水
高但覺青山低王尊非不勇有身填無隄兩師旣不仁陽侯又
反擠建瓴湖南北挹注江東西所幸淮黃壩弭楫猶可躋燕齊
大有秋安穩馳輪蹶行行至修門祝 嘏兩月稽秋風送征雁
歸舟逐鳧鷖延緣漲痕才落一桃梯村市蕩成墟廟佛淋爲
泥石衣挂高樹浮魚潛空閨是中有婦子未耜春曾攜可憐隨
波臣拍浮如連雞附身且無棺安有瓜遺屣生者迫饑寒又復
僵蓬藜天乎可奈何振救已噬臍

八十三吟次放翁韻

壹齋集卷三十四

五

祝君深媿麥邱人八十年枉見春娛老空藏圖史富遺安何
卹子孫貧非期結草方爲食重感翳桑敢貳珍誰辨豚蹠依里
社願隨翁媪賽田神

哀饑民

辛卯夏大水泛濫荆揚州流屍蔽江下破屋隨波浮舟行入城
郭何者爲田疇驚人而活人人多家爲優

皇仁重軫卹司農預綢繆春明蘇病農稍稍親耜耰延頸共鶴
望忍饑餓麥秋

麥秋尙未至 恩澤有時止其如餓者稠狎恰填街市日乞人

一錢施者亦倦矣飢火爍肺腸那復顧廉恥攫肉學烏鳶姑緩
須臾死罪之非寇攘驅之病轉徙安得百黔敖爲食於閭里

吞棉婦 並引

今之棉花古吉貝非絲綿木棉也子由和東坡獨覺詩
欠伸吉貝重衾裏曾用之饑婦所吞正此物從俗稱爲
實

木瀆有民婦持衣赴質庫十日不穀食入門便僵仆急爲鬻飲
之少甦旋大吐非草非木皮如涕下無數詢之噉何物徐徐泣
且訴年饑夫逃亡告糴之親故屑榆粉爲餵礮揉以敗絮哽噎
不下喉強吞聊取飫主人聞之悲錢米出相助仍恐饑腸枯戒
之食無遺我聞古忠臣吞糞奇節著食紙煮鎧弩守死孤城據
偉哉彼天人忠義金石固藐然一邨婦何不乞食去客言千里
交茫茫半沮泖到眼皆饑民嗷嗷孰資哺有棉饑且吞無棉死
朝暮感歎述此詩放筆淚如雨

壹齋集卷三十四

六

裕溪關有丐婦以聖晝壁題詩大哭而去詢以姓氏不
荅詩曰蕭條行李走山坡只爲年荒受折磨雨濕弓鞵
行躑躅風吹蓬髮影婆娑沿門乞食推恩少仰面求人
忍辱多自恨妾身遭命塞夕陽回首淚滂沱卽其語爲
詩哀之

行躑躅甘忍辱吁嗟此詩不忍讀饑來驅行踟躕孰爲翁孰爲
夫聖壁不荅泣路衢天乎天乎孰使此婦能詩復能書妾命薄
天心仁薰香而坐彼何人

和州江上有港曰鉞魚背每歲春中出鉞魚僅數寸口
鉞幾半其身予年十八曾詠以詩今但記兩句腸不去
乙骨留下一寸二寸全其形讀宛陵集鉞口魚賦譏其
穎不能刺肌膚目不能穿絲縷上不足以附醫而愈疾

下不足以因工而進補以口得名終親技女大非膾材
唯便鮮滷有感於心因續成之

有口但噲喁懷緘百無用補袞既難勝刺人復不痛惟儕白小
當園蔬嘗與漁郎埋飯甕腸不去乙骨留丁一寸二寸全其形
尋常甯妾咄嗟辦登之鼎俎人嫌鯉君不見玉鱸跋浪高於屋
隊長三尺温如玉一尾百夫厭不足眇小纖鱗何足錄

市有柔布辟穀方教饑民服食者作此諷之

肌腸哀鳴胃神哭跣躄鑿井旋匍匐道逢仙人授祕方教以服
食能辟穀一從枵腹逾冬春此中空洞久無物卽令靈藥果療
饑安得閒錢買松朮救荒避亂本兩途絕粒棄家非一族清風
明月不費錢望梅畫餅難爲福與其救死九還丹曷若回生一
孟粥

牡丹

競豔爭妍蒔牡丹嬌歌冽唱佐清歡未須十戶中人賦也費張
筵幾日看宿麥已抽風不暖春衣欲換曉仍寒今年此會非輕
易莫遣紅珠迸玉盤

憎烏歎悼墓木盜伐也

松耶柏耶蒼翠空墓木斫盡春山童饑眈盜救眼前死那管青
烏誰吉凶餘殃波及到禽鳥棲托無樹來城中城中林木尙鬱
葱爲巢覓食趨西東眾中老雅聲最惡未明噪聒羣呼風尋常
開口便掩耳何堪曉夜親房櫳凡禽作巢啼轉寂彼獨啞啞飛
幢幢驅之不去叱不畏似對以臆明其衷茂林深蔚豈不顧甘
爾唾罵交相攻惟期四野田禾豐遠近老稚饑腸充還我灌木
高叢叢廣蔭山山馬鬣封我亦無怨無尤恫

題畫

氣韻還從書卷出筆蹤要與性情俱須知畫理通詩理莫學盧
全鬼畫符見遺山論詩絕句

積墨為山不用皴強將空處當煙雲橫琴坐待知音賞未必能
來宗少文

浣壁汗窗六十年零縑斷楮閒流傳慙予已是東家婦更效東
家亦可憐頃有示予五十年前所作畫者半皆贋本

銅柱

銅柱何時折南巒又弄兵山深足妖怪地險失韓彭罷虎非無
勇韜鈴要熟精未煩歌采芑置兔有干城

自警

記誦區區事等閒神明到老便昏頑最憐馬縞深知禮猶把微

之嗣魯山

壹齋集卷三十四

八

題北園圖園在會稽山陰左僉都御史陳允恭別業

北園圖繪誰所作新羅山人華秋岳北園亭沼誰息游文範先
生陳太邱先生占籍在西粵舊井鄉粉實于越穿池築館上方

山澗復巖重竹樹環草堂十志剩佳詠朝川妙蹟留人閒園久廢志
據仁和金士奇游北園十詩存其蹟先生立朝言讜正亮節清風誰與並同年時

有朱高安門生復得孫文定先生康熙甲戌進士與朱文端軾同年癸巳主試山西得與縣相公
嘉百年圖畫生古香付與文孫十襲藏文孫一昨宰江鄉亦有

園依綠水旁留春小舫今猶昔手把元方憶季方乾隆辛亥壬子閏先生從
孫岸亭先生宰蕪湖曾於陶塘北築留春小舫亦繪有圖予與
合子恆齋默齋兄弟時觴詠其中今恆齋重來仍宿於此而默齋

齋下世十餘年矣

嘉慶乙丑在京師戲作中秋節物圖失去已久道光壬

辰六月子穎姪孫以錢三百得於市

畫餅尚書不救饑香山句 但為無益笑當時那知流落村民手
換得黃梁一斗炊

後 桐孫料理畫筭復得子道光乙酉中秋節物圖戲書於

節物中秋一再圖憶鄉爾日當尊鱸而今入市誰檢賣更值千
頭芋也無

壬辰九月既望秋試報罷招集俛仙霞變謝曹生 雲龍

酬之 陳用侯晉 人海歸航小飲出巨觥醉客仙霞有詩次韻

黃花僅得一枝簪燕湖僅一人得第 萬藥臨風待露函賦亭莫隨狙怒
四工歌終聽鹿鳴三但能善戰無虞北不藉輕車為指南且共

壹齋集卷三十四 九

酣呼盡樽酒隔牆何必問曹參

越州女酒味輕清洗酸呼僮一再行引滿慙無銀鑿落柱歸喜
有鐵彭觥萬言自是他時事一醉何如身後名我識此中甘苦
久廿年潦倒困研京

閏九月菊始花

怪底黃華未肯黃開遲端為兩重陽不教秋老餐英盡故遺霜
濃汎酒香思制頽齡延靖節欲傾家釀問長房今年疫癘甚紛盛近始平復紛
然滿把休嫌晚且傷東籬醉一觴

次韻侯廣文雲松 題希右園圖即送之歛並乞其畫

卅年不醉金陵酒故老彫零十之九憶昔與君仁相見濯濯真
如春月柳是時風雅獨推袁簡齊先生 江左人文萃淵藪乘興扁舟
賦近游接席殷王輒連肘游君季孟遠幾時趙北燕南各奔走

黃山坐冷廣文壇于湖來訪同年友子相逢一笑蕭寺秋君鬢
初霜我枯朽作詩題畫述舊游攬物興懷細評剖瘦藤能耐巨
浸侵盤石惟堅故可久溫柔敦厚婉多風固哉爲詩笑高叟絕
交何害山巨源疾惡未煩朱伯厚我年耄及猶疏狂有口如瓶
那能守眼前俗子徒紛紛面塵不掃翻嫌帚看花牽牽強隨人
有酒也能笑開口常將善鑑祇自看對人未敢忘其醜因君忽
漫發狂言閉門獨學嗟無偶爲憶城陽舊講堂山中故人亦僅
有當時嘯詠無何鄉刺得奚囊詩幾首惆悵匆匆君遽歸一飯
未能具三韭寒梅花發到窗時一幅生綃能寄否次第春風上
彩豪莫惜溫鑪呵凍手

車螯

前身淮海一微禽滋味甘鮮耐酌斟卻怪荆公專惜殼欲詢醫

壹齋集卷三十四

十

者再三吟

黃姑渡父盡麤材一飯難邀笑口開不惜呈身入尊俎如逢名
士過江來俗傳車螯不渡江以其難經久也

邑有少婦張夫死有孤五歲貧不能活叔姑嗾之嫁誓
死不從鄉人義之釀錢鞠孤以成其志

夫死當死不死胡爲乎夫有孤叔姑嗾之嫁不嫁誰與卹此孤
長跪向叔姑孤死兒死孤存兒存謂他人父何以對故夫覓死
不得聲鳴嗚鄉里聞之悲釀錢鞠其孤孤有母夫有孤吁嗟節
義無時無

于湖祠從祀六君詩並序

道光八年歲在戊子孟夏移祀于湖先生於滴翠軒因念國
初蕭湯二老暨乾隆年間吳洪陳謝四君節義文章久爲鄉里

欽企而皆抱伯道之痛有不祀之嗟爰製六主奉以從祀詢之鄉人僉以爲宜復恐後生未盡悉其生平述其大略詠以五言俾有所攷焉

蕭明經雲從

尺木老人 本朝隱居窮巷

今蕭家巷卽其故居

圖驂畫壁以終餘年不

期末藝獲邀

天鑒雲從老骨死且不朽

蕭脊居青楊歿猶氏其巷小築傍能仁

有園名梅築近能仁寺久廢

剩聽煙

鐘撞圖驂板已蝨畫壁色餘絳遺卷荷

天題長歌憫愚忝老願死竟酬精靈感應降

高宗聖製

湯秀才燕生

巖夫明諸生太平縣人流寓蕪湖工詩通六書精篆籀有商歌

壹齋集卷三十四

十一

集不傳傳者明詩綜赭山二首然簡翰留遺頗多佳什惜竹垞翁未之見也

結廬在黃山于湖來教授善篆通六書不落斯冰後商歌出金石遺編渺難購我時拾得之往往錄其副不獨赭山詩懷古意深厚兩地寂無人千秋誰俎豆

吳中書志鴻

雙溪休甯諸生家蕪湖乾隆辛未

純廟南巡召試獻賦諸生授內閣中書舍人問學賅博詩文穎

敏旁通篆隸卒於官無子有二女

召試授中書實自公等始惜膺此異數官不數年死平生千萬

篇散佚無人理廔存鍾馗圖一賦誦鄉里公本吾父執軼事聞

稚齒和易多藝能軀幹頗奇偉得名同溫岐卽以此賦擬又聞

少祈夢夢入靈光歸中懸筆一枝旁立二女子身後夢果符傷
哉誠可唏

洪知州鑾

阮溪負不羈之才喜詠諧早成進士官東平州知州有惠政死
之日民皆流涕著悔綺省吾二集有子而天全真宮道士某其
族孫也勸繼其後不從

滑稽固自雄調排卻非福後生不自知漸習浸成俗君負能吏
才東平號良牧塗判而市推電掃不留獄鄉人過其州親見州
民哭但恨族孫愚戀此黃冠服

陳孝廉春華

實甫兄弟竝擅才譽君尤博學多聞工書能畫詩文綺麗惜無
專集籍江甯中乾隆丙午舉人曾祖祖父皆官於朝有江左名
士之風然一門羣從無一有子者悲夫

壹齋集卷三十四

三

灼灼天桃花光華並穠麗胡爲葉藜藜而無一實綴木主寄孤
倉林立塵土翳歲時誰炷香安問魚菽祭門生見之悲掘土爲
埋瘞天道不可知究嬰何罪戾魂兮倘歸來對此定流涕

謝太守登雋

梅農天資既高學力亦至屢入禮闈不得進士第其命也耶以
國子助教出爲宜昌同知軍功遷本郡太守攝黃州事卒於任
有退滋堂集八卷姪孫崧梓而行之無子以姪某爲後

謝公居比鄰落落知音寡風雨時過從談深燭爲地京居官多
暇出每借車馬顧我考所業不憚頃筐寫一從參楚軍宦轍隔
分野羽檄紛交馳書卷常在把天胡靳其年不令歸里社洪陳
君交親奚止一日雅招邀來山堂爲我進一竿

於賣舊畫畫處得邵友園破碎遺像重爲裝潢愴然題此

識得中郎剩幾人何妨泡影付煙塵翻嫌當日丹青手貌爾形神太逼真

壽君諧語記當年賃屋如官歲左遷那有亭臺似圖書添香况復擁嬋娟賃屋句乾隆辛丑壽君五十詩

人世難逢百歲翁此翁今尚貌如童題辭聊當招辭些定有魂歸大海東君卒於福建令弟鐵君任年七十今百有二歲

古桑書屋圖乾隆辛丑王井東畫

五十二年屋兒孫都不知留圖賴王宰題句剩胡仔題者七人惟胡君成耳井失枯桑影苔生草閣基所欣故人恕未勒北山移

壬辰除夕

壹齋集卷三十四

七

歲儉物情多擾雪晴人意稍安莫謂瓶水偶凍須知天下皆寒七載飽諳鄉味一尊團坐兒孫慙媿不耕而食餘年難報

君恩

山梅寒甚未白唐花火迫能紅庭雪自成山子簷冰天然墮公人道翁猶矍鑠自言叟未支離百歲十六年耳老夫努力爲之

壹齋集卷三十五

當塗 黃鉞 左田

古今體詩五十首

癸巳一年

癸巳孟陬四日飲子卿家壁懸予乾隆庚子入都留別
五言二首時子卿年二十二子年三十有一今五十四
年子卿次韻見示予亦和作

君齒時方冠予年壯已過青春轉眼逝白髮滿頭多惜別憐芳
草留詩寄衍波何期仍挂壁對酒復高歌

長干獻賦罷六試一名艱毛穎顛將充參軍語欲蠻

是歲高宗五

巡江浙召試獻賦諸生鉞名在二等先是甲午順天鄉試挑取四庫全書館謄錄時將入都冀得議敘一官 惟希素
心共敢冀錦衣還努力崇明德夕陽猶在山

穀日人海歸航小集曹生和韻見贈次答

壹齋集卷三十五

羨子文辭富慙予耄耄過金蘭三世契玉樹一門多苒苒歲華

始鱗鱗酒醖波清聲誰與和合付鳳雛歌

謂令子稜和

氣盛少游壯渾忘道路艱觀風隨繡斧攬勝到烏蠻
君隨從兄峻生觀察
任 濱南 雪甚莫雲合談深宿鳥還休辭成一醉春霽好看山

秣磨日卽事

秣磨今晨是古風俗未知燕公會
有詠應節可無詩綺席銜猶
豔華軒月上遲真成不事事取醉管絃宜

是夕巴司馬署中觀劇

湖亭對雪

開正三度雪北風無時休春來已兼旬春氣未和柔梅寒強作
花麥細苗不抽頻年苦昏墊深厓田父憂徘徊復委積一白連
平疇湖山入空蒙但見雙白鷗

食黃魚

我家中江濱有魚多且旨尋常價亦廉咄嗟付刀匕眾中黃魚
溯江上四五月間偶入市兩年不復厭若魚正坐連書夏大水
今春雪甚網罟寒何意脆骨重登盤游不擇時爲所得停杯輟
筯增長歎魚兮魚兮泥沙蟠勿縱大壑興狂瀾陽侯奉職鯨波
息我甘忍饑不爾食

次韻仙霞雨窗襟感

不見倪高士春分忽已過園林無客到風雪閉門多雲重敲高
柳鷗輕載綠波定知意無極擊節一長歌

笑我老耽逸不知生計艱食單猶有肉經費幸無蠻一室常清
淨浮雲任往還寒梅開也未相與問孤山

二月五日獨游圓照寺

社過春寒燕未飛雨餘湖漲水平隄庵門僧老自鋤菜花徑入
壺齋集卷三十五 二

稀獨杖藜挂壁幾年詩好在映階明月酒曾攜濕雲又罨前村
樹悵惆籃輿興盡歸

上巳雨

惜花對酒重悲春杏豔桃夭盡委塵愁雨愁風連上巳一觴一
詠負嘉辰書拋雲翳全昏目裘敝寒生宴坐身天意倦晴農事
急幾時秧稻眼中新

讀未齋先生詩文手蹟示小璘

憶昔髫髻一學僮於今禿鬢已衰翁先生詩筆流遺在往事湖
山笑語中金深著書官獨冷

先生官含山教諭金淵集元九遠
爲溧陽教官著集中亦稱金溧

鷗波娛老札尤工卻慙李漢難爲序珍重緘題付小同

鉞於先
生爲從

胥子

蕪湖西門外昇平橋東有文孝祠祀梁昭明太子俗稱
文孝皇帝按北周書蕭管傳江陵平太祖立管爲梁王
居江陵資賦一州之地管乃稱皇帝於其國追尊父統
爲昭明皇帝管傳位子歸歸薨諡孝文皇帝直齋書錄
解題昭明太子事實二卷知池州趙彥博編昭明廟食
於池頗著靈響元祐始賜額曰文孝是昭明廟食於池
廟額曰文孝非其諡其孫歸諡孝文皇帝非文孝今蕪
湖文孝祠塑像袞冕俗遂稱爲文孝皇帝致使祖孫混
淆諡額不別昭明於池有遺愛祠之固宜蕪湖非其封
邑志稱明邑人陶勲建豈因其靈爽而邀福耶第稱文
孝祠可稱文孝皇帝不可詩以曉之

蕭管竊帝號附庸已可憐自娛而尊親於禮亦宜然昭明仍舊
諡未改前星前文孝乃祠額賜自元祐年偶符其孫諡遂令相

壹齋集卷三十五

三

牽連冠以皇帝稱不攷孰甚焉蕪湖舊有祠近在城西偏大都
效池俗邀福以致虔偏處湫隘中禱坐棲一椽罔知神爲誰一
例無香烟屠兒日當門霍霍紛囂闐福中禱祀龍神火神與昭明並坐又有屠者日鼓刀
門有舉莫敢廢曷不奉主遷祀典姑緩修正名斯其先

石首魚

棟花來石首入市競烹鮮又下何曾筯探支解糲筵年時專節
物頃歲阻江船勿忘臨淵羨洎洎浪拍天兩年大水未
有販至者

道光辛卯再至京師客以畫請鑒甚夥真偽相半癸巳初
夏憶其最佳者各記一詩

支仲元老子誠徐用圖成邸所藏

靈符一擲老猶孺二百年來愚費中但索黃金忘白骨可憐徐

甲亦凡蟲

范寬秋山蕭寺

溪谷深虛水有聲秋山蕭寺境淒清笑他四皓粗知畫未必人

間無李成開寶中孫四皓招李成畫成不往孫遣人往營邱喚當塗者獲數圖見聖朝名畫評寬畫師李成米元章

有無李論故云

左建歸牧圖

在大僕卓海帆處

筆蹤略似馬和之風雅圖中葛屨詩僅牧凌競牛骨出秋風葉

落夕陽時人物寒儉頗似馬和之葛屨圖

馬遠梅花詩思

梅花幾樹壓湖氈抱籜幽人坐水軒解事畫中有詩意灞橋風

雪是陳言

仙霞述濱江農夫救圩之狀衍為此詩

壹齋集卷三十五

四

癸巳六月江水漲隄高一丈水一丈是時五穀已鄰熟農夫對

之唯痛哭何當惡風吹倒山兩日兩夜江欲翻六月十一十二兩日夜大風飛

瓦拔木不止農夫上圩立便墮以身捍隄背江坐牛衣蒙頂人並人

白浪如山壓頭過死心努力勿少惰君不聞當塗昨日官圩破

六月廿四日事

野望

出城避潦路縈迂江入田廬水竝湖我亦有詩堪作畫誰為野

望憫言圖唐六如有野望憫言畫卷為正德己巳吳中大水作見清河書畫舫

陶制軍雲臺山唱和詩後

蓋海旂幢擁傳來勳名端合上雲臺時閩兵鄰侯自抱神仙骨

施伯曾推天下才萬竈煙濃鹽筴裕千艘帆趁酒渠開登臨不

為閒吟詠十載東南手澹災

蕪湖東南沿江六埤暨麻浦鳳林二圩田可十餘萬畝
自道光癸未以來屢遭異漲重以淫雨圩隄不勝衝激
輒被蕩決眾乃集議通力合作率圩丁自春徂秋窮日
夜與水爭地費金錢米穀無算卒不可保癸巳七月十
八至二十三日江水洶湧諸圩悉破稻已堅好可炊而
食一夕付之洪流忍哉忍哉天降災禍非人力所能勝
也詩以哀之寄雲汀制軍

築隄山覆簣決堰水奔梭忍奪如雲稼全拋大海波誰爲司浩

渺我欲斫蛟鼉

隄決時見有物爲患

莫道天難問無人向壁呵

天乎母乃酷暴殄屬誰愆資力三時竭江湖一夕連周官有荒
政禹甸少閒田無計囊沙塞空愁雨脚懸

畚鍤棄無用流離身未知棲心猶稻隴轉眼失茅茨黑蜈助爲

壹齋集卷三十五

五

虐陽侯太不慈十年三大水民病豈能支

縣小無程鄭頻饑富亦貧驕慳久成俗任郵屬何人不入萑符
澤終歸魚鼈鄰救荒推彥國急爲拯吾民

大水浸湖亭花樹深二尺許子卿太守於水中移植就

陸悼以歌謠爲廣其意

木資水生實資土樹土淺水深根將焉附

解一

韡韡園花主者移

之林林原木誰其尸之

解二

原木林林言息其陰田禾載沈祇攢

我心

解三

田禾載沈莫辨隴畝陽侯不仁奪食於口

命分當饑洪波浩漾樹菝何時

解五

讀梅農太守退滋堂集感賦

平生篇什富琳瑯晚歲從軍極慨懷舊章幸無投溷報遺書終

恨鑿楹藏松陵唱和猶朝夕漢上題襟半在亡始信文章憎命

達真成厄閏等黃楊

集經數手甫能刻成而全編在其嗣子處匿不肯出

鄉農制木盆圓如百石甕深只有奇名曰划盆春甯泥
秋采菱胥是物也頻年江水漫溢城市用以渡人出入
甚便而推盆人日夕裸露於水又甚苦故作是詩

岷山至海門萬里江流兼胡爲不能容泄此稽天漲翻涌郡縣
灾浩汗田廬蕩蕪湖一彈丸正與中江傍厥田爲下下連歲決

隄障餘波及三門

南北西三門皆進水惟東門無之

浸淫入城閱市肆通波濤

居民偪奔放高門半樓居貧家物無長架閣支戶扇漂浮失瓶

盎沈竈甃競鳴漏牀蠹滿帳不蠲無地除醞釀水爲汪

烏恨切水臭也

誰爲易米茗孰與致醯醬千金得一壺划盆功足當寬容兩三
人圓如白石甕豈無舫艫舟門巷隘而防豈無竹木潯滯鈍行
不暢宛轉惟盆宜載送一夫壯出人取數錢東西隨所向惟憐

壹齋集卷三十五

六

推盆人日夕浸濁浪忍饑事大難苦身以自養沙蟲雖齧人幸
非食心恙滅頂亦可虞暫免魚腹葬罔顧冷雨淋兩足凍且疆
歸家已無家安得熱湯湯回視盆中人何嘗坐天上吁嗟神禹
氏四載刳心匠蠢蠢盆渡民制器巧不讓但恐受病深開春多
死喪祈天捲秋濤赦茲民无妄明年勞此盆專聽菱歌唱

小重陽日招集子卿仙霞曹生小璘食筍齋看菊壁有

乾隆甲寅九日合圖小璘今年年四十後圖兩月生翼

日次圖中韻題詩見示荅之

別葉戰風鳴山齋九日清撫時悲過隙命酒待飛觥有客看花
至同年後卷生新詩若秋菊粲粲美如英

九日子卿招同仙霞曹生小璘登朱氏三層樓時積潦

甫退

拾級近能勝脚力登高遠入怯肩輿一彈指頃重陽到再續游蹤四載餘庚寅曾登此樓荒縣臨江成澤國虛櫺出樹儼巢居漢汙行潦看都退目送哀鴻意慙舒

次韻曹生

層樓合住陶弘景邱壑宜安謝幼輿勝事難兼聊作達良辰取醉不求餘飛雲卷雨輸華構冷醉閒吟慰索居底要將身陵百尺元龍湖海氣方舒

次韻仙霞

翠微在望嬾提壺巷近樓高暫命輿兩度來登風日美一尊誰記笑談餘每當雪月思過賞何必神仙始好居好與倪迂攜畫卷倚闌時對莫山舒仙霞善畫即館其樓下

可歎

壺齋集卷三十五

七

學鮮卑語壓胡桃百萬樛蒲也足豪可歎傾賞博蚊聚枉教豨腹恣貪饗

彙六十餘年所畫小像自十七歲至八十四歲最肖者九合寫一卷題曰我與我周旋圖

不羨鍊形還少無勞奪舍升仙水波散成眾影丹青留駐韶年佛說諸相無我老稱大患有身何妨形影相荅聊當天涯故人

嘗新釀

缸面新篘似密甜論斤價比市沽廉一杯聊引三更睡那管人閒笑扈謙好飲酒不擇精麗見雲笈七籤

題文文肅公文會圖

兩朝抗疏獨觥觥三月台階僅慙明為問當年五十相幾人風節似先生

文采風流異代存承家猶復有諸孫乃知執事直餘事子孝臣忠在一門於康熙四十四年子亦以哀毀踰月卒見曝書亭集

文會何時寫此圖陳編發冊五人居致君堯舜非無術宰相從來要讀書

何甥謝舅擅江東出處平生亦大同不料歸來唯一慟頓教竺

塢講堂空公甥姚希孟少與同學公歸半載姚卒公哭之慟亦卒

十月二十六日夜

驗時過大雪連夜迭聞雷乍起披衣坐旋驚掌輓來民情苦昏墊天意敢疑猜願斂陽和氣春回大地荄

子月

子月纔交氣已嚴經旬又苦雨風兼散愁賴有書千卷暖老惟

壹齋集卷三十五

憑火一炊俗薄那容身獨善民饑難禁口長箝鞠榮樹麥愆期

久急丐晨曦照屋簷

倦夜

搯枕遲去天明捩眼盼窗紙忙閒百無營慙媿雞鳴起

霜濃饑鳥號竹密凍雀聚晨光乍熹微各各拚飛去

休甯孫元鑑僑居蕪湖延邑諸生汪才曾於家教其子

一夕無疾卒孫卽所館之堂俾其子治喪為位受客弔

且營賞以贍其生鉞高其義詩以彰之

生於我乎館死於我乎殯夫子曾有言行者見亦僅杜墓在寢

階許葬復許哭此事古罕聞記有季孫夙孫君延塾師汪姓才

會名五十不得第為邑名諸生一夕無疾卒子侍泣無訴孫君

曰無庸棺衾我已具遂空所館堂俾其子治喪為位受客弔

者咸感傷營貲卹其孤撫之讀父書乃知師道立不爲生死渝
孫君兮孫君高義薄天雲不圖三代後猶復有斯人

許小琴分司英德歸遺佳石命之曰天柱

平生不識衡嶽峯亦未腳踏瀟山路但讀昌黎謁廟詩紫蓋連
延接天柱許子昨自英州回遺我三尺寒崔嵬孤峯雲舉落天
半恍從南嶽遙飛來憶昔石湖曾有此峨眉疊嶂三峯峙嘉名
肇錫偶與同古石今人何必似范石湖有小峨眉煙江疊嶂維
天柱峯三石天柱亦英石也維
時風雪迫窮冬陰氣晦昧連簾櫳會須淨掃同雲散想像突兀
撐青空

范石湖有春雪數作用爲瑞不宜多爲韻五言一首癸
巳嘉平大雪經旬效其體

澇歲雨雪易初不用意爲嚴飈一夕吹皚皚沒階墀三白呈豐
壹齋集卷三十五 九

年盈尺書上瑞中田潦未乾何異千金棄朝寒袖籠手夜寒被
覆首不知瓜廬中焦先能活不往者薺麥茂高下無不宜地鑪
煨榾柮婦子咸嘻嘻馳牋寄滕六祈天布陽和麥畦生意足茅
屋春風多

小琴攜南唐古梅畫卷至廣州歸來題詩殆徧復書二
絕于後

七年未到平山口爲與梅仙賦遠游不識生年孰先後親攜畫
卷問羅浮龍城錄趙師雄醉憩羅浮
梅花下在隋開皇時故云

萬里歸來畫亦香卷中題句盡琳琅雪晴擬載看花酒去就仙
人玉尺量

